

Na osnovu člana 4.2. i 4.7. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11), člana 33. Poslovnika o radu Državne regulatorne komisije za električnu energiju ("Službeni glasnik BiH", broj 2/05) i člana 49. stav (7) Pravilnika o licencama – Prečišćeni tekst ("Službeni glasnik BiH", broj 63/16), na sjednici Državne regulatorne komisije za električnu energiju, održanoj 14. februara 2024. godine, donijeta je

ODLUKA O NASTAVKU KORIŠTENJA LICENCE

1. Društvo "Petrol BH Oil Company" d.o.o., Sarajevo, sa sjedištem u Sarajevu, Ulica Tešanjaska 24a, vlasnik licence za obavljanje djelatnosti međunarodne trgovine električnom energijom, registracijski broj 05-28-12-376-19/19 od 29. januara 2020. godine, nastavlja korištenje ranije dodijeljene licence pod istim nazivom, sa sjedištem u Sarajevu, Ilidža, Ulica Džemala Bijedića 202, uz neizmijenjene uvjete licence.
2. Ova Odluka stupa na snagu danom donošenja, a dispozitiv Odluke bit će objavljen u "Službenom glasniku BiH" i službenim glasilima entiteta.

Obrazloženje

Društvo "Petrol BH Oil Company" d.o.o., Sarajevo, sa sjedištem u Sarajevu, u Ulici Tešanjaska 24a, vlasnik je licence za obavljanje djelatnosti međunarodne trgovine električnom energijom, koja mu je izdata Odlukom Državne regulatorne komisije za električnu energiju (u daljnjem tekstu: DERK) broj 05-28-12-376-18/19 od 29. januara 2020. godine, na period od 1. marta 2020. godine do 28. februara 2025. godine.

Vlasnik licence je aktom od 8. januara 2024. godine, zavedenim pod brojem 05-28-13-10-1/24, obavijestio DERK o promjeni sjedišta i adrese, s ciljem da se ovi podaci izmijene u službenim evidencijama DERK-a.

Prijava izmijenjenih podataka naknadno je potkrijepljena i odgovarajućom dokumentacijom, te je uvidom u Aktuelni izvod iz sudskog registra Općinskog suda u Sarajevu od 18. aprila 2023. godine, utvrđeno da je u sudski registar upisana promjena sjedišta i adrese subjekta upisa "Petrol BH Oil Company" d.o.o., Sarajevo, tako da se umjesto sjedišta u Sarajevu, u Ulici Tešanjaska 24a, upisuju sjedište u Sarajevu, Ilidža, u Ulici Džemala Bijedića 202.

Imajući u vidu da se, shodno Pravilniku o licencama – Prečišćeni tekst, promjenom licence ne smatra promjena naziva, sjedišta ili adrese vlasnika licence, a uvažavajući činjenicu da promijenjeni podaci nemaju utjecaj na pravni položaj vlasnika licence i daljnje nesmetano korištenje licence od strane iste pravne osobe, to je, na osnovu člana 49. stav (7) Pravilnika o licencama – Prečišćeni tekst, donijeta odluka kao u dispozitivu.

U skladu s članom 9.2. Zakona o prijenosu, regulatoru i operatoru sistema električne energije u Bosni i Hercegovini, protiv ove Odluke može se pokrenuti postupak pred Sudom Bosne i Hercegovine podnošenjem tužbe u roku od 60 dana od dana prijema.

Broj: 05-28-13-10-2/24

14. februara 2024. godine

Tuzla

Predsjedavajući Komisije

Nikola Pejić